

NAFARROAKO AURREKONTUAK. Euskaltzaindia, eremu ez-euskalduneko ikastolak, helduak alfabetatu eta euskalduntzeko zentroek, denek dituzte diru sailetan beherapenak. Eusko Ikaskuntza diru laguntzarik gabe geldituko da.

Euskararentzako diru sail guztiak murriztu nahi ditu UPNko gobernuak

Euskaltzaindiarentzat bereizitako dirua 22,4 milioi pezetatik 4,5era jaitsi da aurrekontuen proiektuan



JOKE LACALLE

Francisco Iribarren Ekonomia kontseilaria, 2002ko aurrekontuen txostena Jose Luis Castejon Parlamentuko presidenteari ematen, atzo.

PORTZENTAIK

Hizkuntzarekin lotutako dirua %12 gutxituko dute, iazko aurrekontuekin alderatuta

ERREAKZIOAK

Euskaltzaindia «harrituta» dago murrizketa horrekin, baina Eusko Ikaskuntzan espero zuten erabakia

%1,55 bideratzen du euskararentzat.

Nafarroako Gobernuak behin eta berriro erantzun du azkenaldian, bere hizkuntza politikari egiten zitzaizkion kritikak zirela eta, euskararentzako diru sailak ez direla ukitu azken urteotan, eta hor ikusten dela «benetako asmoa».

Zenbakiak adierazten dute, ordea, iaz %4ko jaitsiera izan zela, eta azken urteetan aurrekontu orokorrak baino gutxiago handitu dela euskararentzako dirua, nahiz eta aurrekontu orokorreko portzentaiak etengabeko beherakada izan duen 1995etik.

Baina iaz, Pedro Pegenaute Hizkuntza Politikarako Zuzendaritza Nagusian sartzearekin batera, zenbakietan murrizketa ez ezik, birmoldaketa gogorra ere egin zen bertan, eta euskararen garapena proposatzen zuten proiektu gehienak desagertu ziren. Esaterako, administrazioan euskararen presentzia areagotzeko programa guztiak desagertu ziren, eta baita hizkuntza politika sustatzeko dirua ere.

Aurten harantzago joan dira. Aipatutakoaz gain, helduak euskalduntzeko eta alfabetatzeko zentroek ere nabaritu dute atzerakada —100,7 milioi pezetatik 100era jaitsiko da suben-

baina bi alderdien artean ez dute gehiengorik aurrekontuak aurrera ateratzeko, eta Nafarroako oposizioak eta sindikatuek kontrako jarrera adierazi dute garbi.

Francisco Iribarren Gobernu-ko Ekonomia sailburuak atzo Parlamentura igorritako aurrekontuak gaur onartuko ditu, tramiterako, Bozeramaileen Mahaiak, eta gaur zehaztuko dira eztabaidarako egutegia eta prozedura ere.

Euskararena da diru sail kaltetuena


Sailak aztertuta, ez da dudarik: euskara da, aurten ere, kaltetuena. Arlo guztietan badaude beherapenak, oso nabarmenak gainera: euskara sustatzeko diru laguntzak, adibidez, 1.041 milioi pezetatik 916ra jaitsi ditu Gobernuak. Aurrekontua 414.564 milioi pezetakoa da, iaz baino %9 gehiago. Portzentaiak argiak dira: euskararentzat aurrekontuen %0,22. Eusko Jaurlaritzak, esaterako,

Alberto Barandiaran | IRUÑEA

Euskararentzako dirua %12 murriztu nahi du Nafarroako Gobernuak datorren urtean, atzo Parlamentura igorri zituen aurrekontuetan ageri den bezala. Diru sail garrantzitsu guztietan bada beherapena, baina esanguratsuena da Euskaltzaindiarentzat bereizitako dirua 22,4 milioi pezetatik 4,5era jaitsiko dela, Eusko Ikaskuntza dirurik gabe geldituko dela, eta eremu ez-euskalduneko ikastolentzako ia 30 milioi pezeta gutxiago jarriko direla: 228,5 milioi pezeta iaz, 200 aurten.

Horiek dira Nafarroako Hizkuntza Politikak inoiz izan dituen diru murrizketarik handienak. Iaz %4 jaitsi zen dirua, baina aurreko urte guztietan gehitu egin zen beti euskararentzako dirua. Gutxi, baina gehitu. Convergencia de Demócratas Navarros (CDN) alderdiak baietza eman dio Union del Pueblo Navarros (UPN) egitasmo horri,

Euskararen aurrekontuak Nafarroan



Diru saila	luz	Aurten
Euskararen irakaskuntzaren garapena eta bultzada (orotara)	306,5	298,6
Euskal irakasleen hobekuntza	13,3	10
Euskararen erabileraren inguruko egitasmoak	21,5	21
Euskara bultzatzeko egitasmoak	27,8	22
Euskarazko ikas-materiala	19	14
Euskararen sustapenerako bekak eta laguntzak	30	28
Gau-Eskolei diru laguntzak	107,7	100
Hizkuntza Politikarako zuzendaritzaren egitasmoak (orotara)	163,5	124
Euskaltzaindiarekin hitzarmena	24,4	4,5
Hizkuntza Garapena, Ikerketa eta Programazioa (orotara)	571	493,75
Hizkuntza politiken ebaluaketa eta analisiak	3	1,5
Udal erakundeei laguntza euskarazko egitasmoetarako	138,7	120,7
Prentsan euskara laguntzeko egitasmoak	49,5	49,5
Euskarazko iharduera kulturalak	49,5	14,5
Eremu ez euskalduneko ikastolei dirulaguntza	228,5	200
Euskararen sustapenerako diru laguntzak (orotara)	1.041	916

ITURRIA: Nafarroako Gobernuak